



www.BibleForChildren.org

Geenesis 1




Shushajanaa mijiria casaa
coteesacari, Pueyasoori
jiya cajiniocua
cortaniquiaari
jiyajaajanio.




Jiyacaritij, jiyari maja
quenaaja jiya naata na
niquishaanu quijia.


Puetunujuanaari
puereetuuca queroni
mohuaca quijia,
ninishiquitij. Pueyaso
Sohuanuuri
mohuacacaco
jaaseyacojojua.



Jiyacaritij Pueyasoori naa sequequiaari: "Cuhuashiqui
cuaara mijiria quiiria." Naacuatej, mijiriaari
cuhuashiqui quiquii.




Na jiyaniquiriiri "juuca". Ninishiqui
jiyaniquiriijaariuhuaaj "niucua". Pueyasoori naa
tucuataquiaari na miishano cuno coteenu juucatej;
niniquiriiri.



Na nuhuaji, Pueyasoori na rupaa cumaacata naa sequequiaariti: "Jiya cajiniocua cuaara quiiria juhua paatujua. Cunoori mohuaca coseriquiano jiyacojoria, mohuaca raquitiijiniuriajuhuaj." Seetanujuanaa naa quiquiaariiri. Pueyasoori na paatu jiyaniquiquiaari "jiya cajiniocua." Pueyasoori jiyacari tari querajaa juuca poonijioriquiaa.




Jiyacaritij, Pueyasoori naa sequeree: "Jiya cajiniocua cariquimiaji quiyano mohuaca cuaara jaateera jiya cacoji tamama na cajitianura. Naacuatej, jiyari muetanutaniya na joojequetanura." Naa quiquiaariiri taa Pueyaso sequequiaaricuajani. Mohuacajiniji muetano casaa jiyaniquiriiri "jiya."



Naajuhuaj, tamama cajitiaano mohuaca jiyaniquiriiri "moo cajitiu." Naa puetunu Pueyaso miishanojanaari nera maninia quiriquiaa.



Naacuatej Pueyasoori naa sequequiaari: "Nio cua
shipinishano jiyacua cuaara moritiaara
puetunu casaajuhuanajaj."



"Cuaara moritiaara muetujuaca jiyasocua, muetujuaca
nacuhuaajaajanio." Naa seetanujuanaa quiquiaariiri.

Naa Pueyaso poonijosacaritij
cunoori tari quiquiaari
jiuujianaraca juuca.



Pueyasoori jiya cajiniocua puereetuuca
nunucojua cortanijioree. Puereetuuca
casaa juuca cuhuatariquiano, secaco
naataja casaajuhuaaj niucua
cuhuatariquiano saniniuujia.




Jiyacaritij, riya cortanijioreejaariuhuj.
Pueyasoori nio cortanijioquiaari cuno
cuarto juucajinia.



Pueyasoori naa
sequequiaarijuhuaj.
"Mohuacajinia cuaara
caneera puetunu moo
cariquimia quijiaca
casaajuhuanajaj. Cuaara
quiiriajuhuaj
jaacuatujuaca casaa." Naa
quiquiaariiri. Jiyacaritij
cuno juucani, tari
quiquiaariiri cinco juuca
Pueyaso poonijosacari.




Na nuhuaji Pueyasoori naa sequereei: "Jiyacua cuaara
caneera puetunu casaajuhuanajaj, seesano casaa,
nacujiniaaco quijiaca, puetunu roshiyocuatujua
casaajaajanio." Naa quiquiaariiri.




Jiyacaritij, Pueyasoori naa sequereei: —Quiarijiani
pueyano pa shipiniri juhua pajaniya quiriquianoori.
Naacuatej nojuajaari puetunu pa shipinishano
casaajanaa jiitiana quiriquiano: moojinia quijiaca,
jaacuatujuaca, seesano casami,
nacujiniaaco quijiaca, puetunu
roshiyocuatujuaca
casaajanaanio.



Pueyasoori niquiquiaari, puetunu na
shipinijosanojuanaari maninia quiquiaari
nera. Cuno juucajani, jiyacari tari
quiriquiaari seis juuca Pueyaso
poonijosacari.



Camarnu Pueyaso jaara pueyano niaquiaari Edeen
jiyanishano na cuhuariquiajinia, nojuajaari tii na
niaquiaari na cojuanura, na namiriojotariquianojuhuaaj.



Jiyacaritij
Pueyasoori maatia
na nacasuquiaari.
Na sequereeri:
—Puetunu nio Edeen
cuhuariquiajinijijanaani,
quia naatacuajaari
puetunu naana
jajaujinijijanaa mianu.
Maja cutaraari noo naana
jajau mianu, maninia casaa,
sesa casaa niishitijia
pueyanotej jaara na miare.



Janiyajanaacuaajaari quia
sequeyani: Majaari
cuno naana jajau
mianu, quiaa mariqui
cusojuara jataqueeri.



Jiyacaritij, pueyanoori puetunu cuno casamijianaa
jiyaniquiquiaari; seesano casami, puetunu
jaacuatujuaca casaajuhuanajaj, puetunu nacujiniaaco
quijiaca casamijianaanio. Naacuatej,
puetunu casamijianaari naa cuno na
sesacataja quiyajaa quiarijia.




Jiyacari naa pueyano jiyaniquishacari puetunu
Pueyaso shipinijosano casaajanaatej, puetunu
cuno casamijiniajanaani, majaari quenaaja
niquiriyatu casaa na riuriatanu
quiquiaari juhua na naacuna
quiriquiano.



Naacuatej, Pueyasoori pueyano maquiojoquiaari
shitimia. Naa na maquesacari na shuucuaaji
riataquiaariiri. Niquimiaca na riuquiocua tamaca
riquiaari tijiiri. Naa na miiniu
nuhujitij juhua
juhuanoraja na
mishiquiorohuariuhuaaj.



Cuno, pueyano riuquiocua tamacajiniijini, Pueyasoori
tiji shipiniquiaari maaji. Naa na shipininiu nuhuaji
nucujiniji maajitij, pueyanoocua
na jaatucureeri.



Naacuatej, pueyano cuaara na que, na nucua
cartera necora na caminiuria. Naa na
camiyotoosacaritij, nojoriiri juhua
niquiriyatu pueyano
quiriquiano.



'Jiyanohua cua Que Pueyaso
paniniuucua puetunu mijiria quiniaa
pueyajanaa, nojuajaari
Neyanujuanaa jiyaroquiaari
puetunu pueyapueecuarajanaa
mosocoriquiano.



Puetunu cucua tiuunias pueyajanaari
saniitioyaquishaanutaniya cutara.
Nojori cutaraari pueyaracaanu
rishijiaca quiniutianiya
Pueyaso shuriucua.



Romanos 3:23 Puetunu pueyajanaari sesa
miijiaca; Judiocuaca, taucuacanio. Naacujitij,
nojoriiri juhua tucuacaanu quiya Pueyasojiniji.
Sesa miijiaca pueya quiniuucua, nojoriiri soosano
pueyara jataquiaari. Naacujitij, pueyari
Pueyaso timitiasoo quiquiaari.

Romanos 6:23 Saniniuujia, sesoriquia pueya
miiniuucua sesa saaja, nojoriiri naa na miiniuucua
shaajasaanutaniya. Saniniuujia, saaja
Jesucristoocua tiuujia pa quishacari,
Pueyasoori saa cunoraja pa jiyatequiaa
pueyaracaanu rishijiaca pa quiniuria, pa
Jiyaniiija Jesucristo rupuejaca pa quishacari.



Hebreos 9:27 Naatej, taatucuaa pueyani,
nojoriiri shaajecoriquiano. Majaari nojori
samiitiaconuhua mijiria nojori quiniuhuara, socua
na cusonuhuara juhua coteenu na cusonu. Nojori
shaajenu nuhuaji, nojoriiri saaja sashiya Pueyaso
nequesoreenura nojori.

Efesios 2:8,9 Naa Pueyaso quiniuucua
jiyanootitej, nojuajaari nia jiyanooquiaari saaja
Jesuucua nia tiushacari. Majaari tama nia
miishanotajaaja Pueyaso nia jiyanootiniu
quiquiaari tama niajanijajaaja.
Pueyasojuaanaacuajaari nia jiyanooquiaari niaacua
na taraajenuucua. Naajuhuaaj, nojuacuajaari
nia tiutiquiaari Neyanuucua.



Majaari Pueyaso jiyanooniu quiquiaari pajaniya,
maninia miijiaca pa quiniuucua. Paa jaara maninia
pa miiniuucua Pueyaso jiyanootiquiaari tama pa
cuaqueyajaajani, paa maara tama pa
cuaqueyajaaja timitiarenini juhua
najuhuana pocuaja.

Romanos 10:9,10 Naacuajitij, Pueyasoori pueya
jiyatequiaa na pueya nojori quiniuria,
Jesucristoocua tiuujia jaara pueya niquiara
pohuatate: "Jesucristoori seetanujuanaa
Jiyaniiiajanaa cutara", noojiajinia na
niishishacarijiuhuaaj Pueyasoori Jesu
samiitianiquiaariuhua macujiniji.



Seetanujuanaa naari: poojiata pa tiuushacari
Neyanuucua, Pueyasoori pa jiyateya juhua sesa
miyashijia pa quiniuria. Naajuhuaaj, pa rupaata pa
pohuatasacari: "Janiya Jesucristoocua tiuujiani",
jiyacaritij, Pueyasoori pa jataniquiaa na
pueya pa quiniuria cutara.

Juan 3:16,17 'Jiyanohua cua Que Pueyaso
paniniuucua puetunu mijiria quiniaa pueyajanaa,
nojuajaari Neyanujuanaa jiyaroquiaari puetunu
pueyapueecuarajanaa mosocoriquiano. Puetunu
cucua tiuuniaa pueyajanaari
saniitioyaquishaanutaniya cutara. Nojori
cutaraari pueyaracaanu rishijiaca quiniutianiya
Pueyaso shuriucua.



Pueyasoori maja na jiyaronu quiquiaari janiya
pueya cua saniitionura. Seetanujuanaa cua
jiyaroquiaari cutaraari pueyacuaaji
Tacuna cua quiniuria.

1 Juan 5:11-13 Pueyasocuaajaari sequequiaari,
Neyanuucua tiuujiaacaari pueyaracaanu rishijiaca
quiniutianiya. Cante Pueyaso Niyanu jiitiaa
noojiajiniani, nojuajaari tari samiitianishaarohua
pueyaracaanu rishijia na quiniuria. Pueyaso
Niyanu jiitiaashijiaari saniniuujia maja na
rishiniu quiniutianiya. Nio naajiya niaaranijia nia
niishiniuria, Pueyaso Niyanuucua nia tiuushacari
niaari tari samiitianijiosaarohua pueyaracaanu
nia rishiniuria.



Geenesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Arabela Bible (arl) © 1986, 2008, Wycliffe Bible
Translators, Inc. All rights reserved.

<https://www.bible.com/bible/519/MAT.1>

©2024 Bible for Children, Inc.

www.M1914.org

www.bibleforchildren.org

